



## BAHAGIAN A


### OBJEKTIF ANEKA PILIHAN

#### PRAKTIS 1

Isi tempat kosong dengan **kata nama khas** yang paling sesuai.

1. \_\_\_\_\_ menasihati pesakit itu agar makan ubat pada setiap hari.
  - A Puan Zarina
  - B Doktor Aina
  - C Cikgu Badar
  - D Inspektor Hakim

Soalan 2 berdasarkan gambar di bawah ini.




2. Impian abang Haikal hendak membeli kereta \_\_\_\_\_ akhirnya tercapai.
  - A Proton Iriz
  - B Proton X90
  - C Proton Aruz
  - D Proton Myvi
3. Murid-murid menuju ke \_\_\_\_\_ untuk mendengar ceramah motivasi yang akan bermula pada pukul 9:00 pagi.
  - A Dewan Gemilang
  - B Makmal Sains Gemilang
  - C Padang Sekolah Gemilang
  - D Tapak Perhimpunan Gemilang



4. Mesyuarat rukun tetangga taman perumahan kami akan diadakan di \_\_\_\_\_.

- A Balai Raya Taman Ria
- B Masjid Taman Harmoni
- C Taman Permainan Indah
- D Gelanggang Badminton Impian

Soalan 5 berdasarkan gambar di bawah ini.



5. Encik Hashim membawa keluarganya melancong ke \_\_\_\_\_.

- A Sabah
- B Melaka
- C Pulau Pinang
- D Pulau Langkawi

6. Kebakaran itu dapat dikawal oleh anggota \_\_\_\_\_ sebelum merebak.

- A Pasukan Polis Daerah Raub
- B Angkatan Tentera Malaysia
- C Sukarelawan Pertahanan Awam
- D Jabatan Bomba dan Penyelamat Daerah Raub




## PRAKTIS 2

Isi tempat kosong dengan **kata ganti nama diri** yang **paling sesuai**.

1. “Sudahkah \_\_\_\_\_ membuat kerja rumah?” tanya Puan Kamala kepada Ravin.

- A dia
- B kita
- C kamu
- D mereka

**Soalan 2** berdasarkan gambar di bawah ini.



2. Nadia dan Siew Mei berjiran di Taman Sejahtera. \_\_\_\_\_ pergi ke sekolah bersama-sama pada setiap hari.

- A Dia
- B Kita
- C Kamu
- D Mereka

3. “Segala perintah tuanku akan \_\_\_\_\_ laksanakan,” kata Hang Tuah kepada Sultan Melaka.

- A beta
- B patik
- C hamba
- D baginda



Soalan 4 berdasarkan gambar di bawah ini.



4. “\_\_\_\_\_ perlu berusaha bersungguh-sungguh untuk mengalahkan pasukan lawan ketika perlawanan bola sepak itu nanti,” kata Naufal kepada rakan-rakan sepasukannya.
- A Kita
  - B Saya
  - C Kami
  - D Beliau
5. “Bagaimanakah persiapan \_\_\_\_\_ untuk menghadapi pertandingan itu nanti?” tanya Cikgu Bahri kepada murid-muridnya.
- A kita
  - B kalian
  - C beliau
  - D mereka
6. Ratna memberitahu ibunya bahawa \_\_\_\_\_ hendak memberikan pakaian lamanya kepada mangsa banjir.
- A mereka
  - B beliau
  - C saya
  - D dia



## BAHAGIAN B

### OBJEKTIF PELBAGAI BENTUK

#### LATIHAN 1

A. *Gariskan satu kata **hubung** yang terdapat dalam ayat yang diberikan.*

1. Kami yakin bahawa Frank atau Alex yang akan dilantik sebagai ketua murid.
2. Saya dan adik saya pasti akan bermain permainan tradisional kalau kami pulang ke kampung.
3. Benny mengumpulkan kotak dan surat khabar itu kerana dia hendak menghantarnya ke pusat kitar semula.
4. Sebagai rakyat yang cinta akan negara kita perlu menghargai pengorbanan dan jasa para pejuang negara.
5. Puan Diana melipat pakaian sambil menonton televisyen manakala suaminya membaca surat khabar.

B. *Gariskan satu kata **berimbuhan** yang terdapat dalam ayat yang diberikan.*

1. Penciptaan pelbagai alat teknologi telah memberikan pelbagai kemudahan kepada manusia.
2. Para pesawah digalakkan untuk menggunakan teknologi moden ketika mengusahakan sawah mereka.
3. Para peserta yang akan mengambil bahagian dalam perlawanan badminton itu dikehendaki masuk ke dalam gelanggang.
4. Hubungan dengan anggota keluarga akan terjalin dengan eratnyanya sekiranya kita saling menyayangi dan menghormati.
5. Majlis rumah terbuka yang diadakan semasa hari perayaan dapat mengeratkan hubungan dalam kalangan masyarakat.



C. Gariskan **satu kata majmuk** yang terdapat dalam ayat yang diberikan 努力!  
再不努力就完蛋了!

1. Mary mengambil alat tulis dan cermin mata itu lalu menyerahkannya kepada adik bongsunya.
2. Setiap kakitangan awam perlu menunaikan tanggungjawab yang diberikan kepada mereka dengan amanahnya.
3. Encik Danial mengucapkan terima kasih kepada semua penduduk yang telah memberikan kerjasama untuk menjayakan kempen kitar semula itu.
4. Golongan remaja perlu bersikap ringan tulang dan melibatkan diri dalam kerja sukarela.
5. Puan Lau menghadiahkan sebuah jam tangan yang berwarna biru laut kepada anak angkatnya.





## LATIHAN 2

A. *Gariskan satu kata pemerik, kata penguat atau kata bantu yang terdapat dalam ayat yang diberikan.*

1. Syarat-syarat tersebut telah ditetapkan untuk para peserta.
2. Baju Melayu yang dibelinya di butik itu adalah untuk bapanya.
3. Majlis hari lahir Anna akan diadakan pada pukul 5:00 petang di rumahnya.
4. Beliau merupakan penjaga gol pasukan negara yang paling handal pada masa ini.
5. Tetamu kehormat itu dibawa ke bilik khas terlebih dahulu kerana majlis belum bermula.

B. *Gariskan satu kata berimbuhan yang terdapat dalam ayat yang diberikan.*

1. Kami berlari dengan pantas setelah pengadil meniup wisel.
2. Adik menadah telapak tangannya apabila ayah memberikan duit raya.
3. Samuel lewat bangun kerana mengulang kaji pelajaran hingga larut malam.
4. Saya hanya sempat membaca bahagian hadapan buku cerita yang baru saya beli itu.
5. Kakak sedih atas pemergian nenek kerana dia tinggal dengan nenek sejak kecil.

C. *Gariskan satu kata majmuk yang terdapat dalam ayat yang diberikan.*

1. Keluarga kami merancang untuk makan angina pada bulan hadapan.
2. Kanak-kanak itu geli hati apabila mendengar cerita Tuk Alang yang lucu itu.
3. Sudah 20 tahun Mak Cik Fatin menjadi orang gaji di kediaman kami.
4. Orang awam yang menyaksikan kejadian itu diminta untuk memberikan keterangan kepada polis.
5. Cikgu Hannah mengingati murid-murid untuk meminta tandatangan penjaga sebelum menghantar borang itu.



D. Gariskan **satu kata ganda** yang terdapat dalam ayat yang diberikan.

1. Lelangit Ahmad berasa sakit kerana tercucuk tulang ikan.
2. Makanan yang disediakan di restoran itu enak-enak belaka.
3. Ibu memasukkan beberapa biji bebola ikan ke dalam sup sayur.
4. Orang ramai berebut-rebut untuk membeli makanan yang tular itu.
5. Jalan itu terang-benderang pada waktu malam kerana semua lampu akan dihidupkan.





### LATIHAN 3

A. *Gariskan satu penjodoh bilangan dan satu kata bilangan yang terdapat dalam ayat yang diberikan.*

1. Ketiga-tiga orang pekerja Pak Mas sedang mengangkat berguni-guni baja dan berpuluh-puluh botol racun serangga ke dalam sebuah lori.
2. Beberapa keping zink dan beberapa batang paku digunakan oleh ayah untuk menampal atap rumah yang telah bocor.
3. Hasif mengambil dua helai kertas dan dua batang pensel lalu diberikan kepada kedua-dua orang adiknya.
4. Emak menghidangkan lima biji limau dan lima potong buah tembikai kepada adik dan rakan-rakannya.

B. *Gariskan satu kata berimbuhan yang terdapat dalam ayat yang diberikan.*

1. Jahitan tulang belut pada baju kurung yang dijahit oleh Mak Lisa sangat kemas.
2. Permainan tradisional perlu dikekalkan kerana menjadi kebanggaan masyarakat.
3. Penciptaan pelbagai peralatan sains telah memberikan kemudahan kepada manusia.
4. Yuna menggunakan telefon pintar untuk memesan makanan dan minuman di restoran itu.



C. Gariskan **satu kata majmuk** yang terdapat dalam ayat yang diberikan.

1. Melody mengambil alih perniagaan membuat bingkai gambar itu daripada ayah angkatnya.
2. Semua ahli jawatankuasa persatuan pemuda itu menjalankan aktiviti kemasyarakatan secara sukarela.
3. Encik Samad sedang memberikan tunjuk ajar kepada beberapa orang kakitangan di syarikatnya tentang cara-cara mengendalikan mesin mudah alih itu.
4. Sebagai ketua murid, Firdaus berharap agar semua pengawas akan memberikan kerjasama untuk menunaikan tanggungjawab mereka dengan baiknya.

D. Gariskan **satu kata ganda** yang terdapat dalam ayat yang diberikan.

1. Puan Madele rambang mata apabila melihat sayur-sayuran dan ulam-ulaman segar di pasar tani.
2. Amalan bantu-membantu dan ziarah-menziarahi dalam kalangan jiran tetangga dapat merapatkan hubungan sesama jiran.
3. Mereka bersalam-salaman sambil memberikan kata-kata nasihat kepada Ahmad dan adik-adiknya yang baru kehilangan ibu bapa mereka.
4. Kehadiran tetamu yang bersama-sama meraikan majlis perkahwinan Abang Hafik dan Kak Aida dapat dilihat melalui gambar-gambar perkahwinan mereka.



## LATIHAN 4

A. Gariskan **satu kata nama am** dan **satu kata nama khas** yang terdapat dalam ayat yang diberikan.

1. Mereka telah bercuti di sebuah di sebuah pulau di negeri Sarawak.
2. Suriana dapat bermain congkak ketika pergi ke rumah Faris.
3. Semua murid perlu menyerahkan buku itu kepada Cikgu Mary.
4. Semua Jalur Gemilang itu akan dipasang di sekeliling kawasan sekolah.
5. Sekumpulan monyet telah merosakkan tanaman di kebun Pak Cik Omar.
6. Vivian sedang membaca buku cerita yang bertajuk “Sang Kancil yang Bijak”.

B. Gariskan **satu kata kerja transitif** dan **satu kata kerja tak transitif** yang terdapat dalam ayat yang diberikan.

1. Semua murid perlu memakai pakaian sukan ketika bersenam di padang.
2. Mereka berehat sebentar di bawah pokok itu sebelum meneruskan perjalanan.
3. Orang ramai perlu bersyukur dan menghargai kemudahan awam yang disediakan oleh pihak berkuasa.
4. Ibu bapa perlu berusaha untuk memupuk minat membaca dalam diri anak-anak semasa mereka masih kecil.
5. Murid-murid Tahun 6 Bunga berjanji kepada Cikgu Murni bahawa mereka akan membersihkan kelas pada setiap hari.
6. Ketua kampung meminta semua penduduk kampung berpindah ke kawasan yang lebih tinggi apabila paras air semakin tinggi.



C. Gariskan *satu kata adjektif* yang terdapat dalam ayat yang diberikan.

1. Benny berasa sedih apabila melihat kasut sekolahnya yang kotor itu.
2. Kak Cindy memang suka memakai pakaian yang berwarna hijau.
3. Semua peralatan yang tajam itu perlu disimpan di tempat yang tinggi.
4. Ron dapat melihat ikan-ikan berenang di dalam air sungai yang sangat bersih dan jernih itu.
5. Rumah yang telah usang di hujung kampung itu akan roboh pada bila-bila masa sahaja.
6. Kuih-muih yang enak itu disediakan oleh Mak Cik Murni yang pandai membuat pelbagai kuih tradisional.